



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-353-10/25**

Datum: **30.04.2026. godine**

„Agencija za vodno područje rijeke Save“ Sarajevo, rješavajući po zahtjevu pravnog lica „IKAN“ d.o.o. Zavidovići, za izdavanje vodne saglasnosti za aktivnost vađenja materijala iz korita rijeke Krivaje na lokalitetu ušće rijeke Krivaje u rijeku Bosnu (LOT 1), grad Zavidovići, na osnovu člana 121. stav (3) Zakona o vodama („Službene novine Federacije BiH“, br. 70/06) i člana 200. stav (1) Zakona o upravnom postupku („Službene novine Federacije BiH“, br. 2/98, 48/99 i 61/22) **donosi:**

RJEŠENJE

Odbacuje se zahtjev podnesen od strane pravnog lica „IKAN“ d.o.o. Zavidovići, za izdavanje vodne saglasnosti za aktivnost vađenja materijala iz korita rijeke Krivaje na lokalitetu ušće rijeke Krivaje u rijeku Bosnu (LOT 1), na zemljištu označenom kao k.č. broj: 1694/1 i 1695/1 K.O. Zavidovići, grad Zavidovići, zbog nepotpunosti dokumentacije, te se smatra da zahtjev nije ni podnesen.

Obrazloženje

Pravno lice „IKAN“ d.o.o. Zavidovići obratilo se zahtjevom za izdavanje vodne saglasnosti za vađenje materijala iz korita rijeke Krivaje na lokalitetu ušće rijeke Krivaje u rijeku Bosnu (LOT 1), zaprimljenim 19.08.2025. godine na protokolu Agencije, na zemljištu označenom kao k.č. broj: 1694/1 i 1695/1 K.O. Zavidovići.

U provedenom postupku, uz zahtjev za izdavanje vodne saglasnosti dostavljena je sljedeća dokumentacija:

- Ovjerena kopija Rješenja o registraciji u sudski registar broj: 043-0-Reg-16-000255 izdatog dana 21.03.2016. godine od strane Općinskog suda u Zenici,
- Ovjerena kopija Rješenja o izmjenama podataka u sudski registar broj: 043-0-Reg-20-000687 izdatog dana 21.07.2020. godine od strane Općinskog suda u Zenici,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-13733/20 izdatog dana 10.09.2020. od strane Federalnog zavoda za statistiku – služba za statistiku za područje Zeničko – dobojskog kantona,
- Kopija rješenja o prethodnoj vodnoj saglasnosti broj: UP-1/21-1-40-189-4/25 izdatog dana 19.05.2025. godine od strane „Agencija za vodno područje rijeke Save“ Sarajevo,
- Kopija Ugovora broj: 30-148-34/25 o vađenju materijala iz vodotoka rijeke Krivaje na lokalitetu ušće rijeke Krivaje u Bosnu, Grad Zavidovići – LOT 1 zaključenog dana 01.08.2025. godine između „Agencije za vodno područje rijeke Save“ Sarajevo i pravnog lica „IKAN“ d.o.o. Zavidovići,
- Elaborat – Vađenje materijala iz vodotoka Krivaje na lokalitetu ušće rijeke Krivaje u Bosnu, Grad Zavidovići – LOT 1 urađen od strane „IBIS“ d.o.o. Zavidovići, august 2025. godine, broj projekta: 08-IB-EL/25 (dva primjerka u printanom i elektronskom obliku - CD),
- Izjašnjenje pravnog lica „IKAN“ d.o.o. Zavidovići vezano za nemogućnost dobijanja saglasnosti od strane udruženja sportskih ribolovaca „Krivaja“ i to: 08-08/2025 od 13.08.2025.; 04-10/2025 od 08.10.2025. i 03-09/2025 od 09.09.2025. godine.
- Izjašnjenje Udruženja građana sportskih ribolovaca „Krivaja“ Zavidovići na okolnosti oko izdavanja ribarske saglasnosti pravnom licu „IKAN“ broj: 15./2025 od 07.10.2025. godine.
- Prijava na nadležno postupanje dostavljena od strane kantonalne uprave za inspeksijske poslove Zeničko–dobojskog kantona broj: 18-21-05855/25-07-06-003 od 12.09.2025. godine.
- Izjava za saglasnost vlasnika parcela za korištenje prolaza kroz njihove parcele prilikom vađenja riječnog materijala iz rijeke Krivaje za ugovor vezan za LOT 1 - kopija,
- Izjava za saglasnost vlasnika parcela za korištenje parcela za odlaganje materijala prilikom vađenja riječnog materijala iz rijeke Krivaje za ugovor vezan za LOT 1 - kopija,
- Kopija Izvoda iz posjedovnog lista broj: 94 za parcele označene kao broj: 1380, 1382, 1285, 1286, 1287 K.O. Zavidovići, grad Zavidovići izdatog dana 04.08.2025. godine od strane Službe za upravu geodetskih, imovinsko-pravnih poslova i urbanizma Grad Zavidovići,
- Kopija Izvoda iz posjedovnog lista broj: 94 za parcele označene kao broj: 1686/4, 1686/7, 1714, 1727/1, 1727/5, 1727/7, 1727/8, 1727/10 K.O. Mečevići, grad Zavidovići izdatog dana 04.08.2025. godine od strane Službe za upravu geodetskih, imovinsko-pravnih poslova i urbanizma Grad Zavidovići,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni svi potrebni prilozi (koji su zahtijevani rješenjem o prethodnoj vodnoj saglasnosti broj: UP-1/21-1-40-189-4/25 od 19.05.2025. godine), te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. i članom 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj: 31/15, 55/19, 41/20 i 63/22) dopisom broj: UP-1/21-1-40-353-2/25 od 01.09.2025. godine u kojem je zatraženo od podnosioca zahtjeva da isti upotpuni u roku od 15 dana od uredno zaprimljenog zahtjeva za dopunu dokumentacije.

Navedenim aktom je tražena sljedeća dokumentacija:

- Saglasnost udruženja sportskih ribolovaca iz Zavidovića za vađenje materijala iz korita rijeke Krivaje na predmetnom lokalitetu u periodu definiranom dodijeljenim Ugovorom,
- Dopuna Elaborata za vađenje materijala u skladu sa tačkom 3.1. rješenja o prethodnoj vodnoj saglasnosti.

Dana 11.09.2025. godine podnosilac zahtjeva je dostavio dopunjeni Elaborat (2x) i obrazloženje da nije pribavio saglasnost Udruženja sportskih ribolovaca „Krivaja“ Zavidovići, koje se nije oglasilo po njihovom zahtjevu.

Dopisom broj: 18-21-05855/25-07-06-003 od 12.09.2025. godine, Kantonalna uprava za inspekcijske poslove Zeničko-dobojskog kantona, dana 19.09.2025. godine, dostavila je dopis Ureda za borbu protiv korupcije ZDK na nadležno postupanje, a po prijavi Ikan d.o.o. Zavidovići. Na navedeni dopis Agencija je odgovorila izjašnjenjem, broj: 40-1267-2/25 od 25.09.2025. godine, u kojem je navedeno da rješavanje navedene prijave nije u nadležnosti Agencije.

S obzirom da se Udruženje sportskih ribolovaca „Krivaja“ Zavidovići nije oglasilo po zahtjevu za izdavanje saglasnosti na termine vađenja materijala, upućenom od strane podnosioca zahtjeva, dopisom broj: UP-1/21-1-40-353-6/25 od 26.09.2025. godine zatraženo je izjašnjenje o razlozima nepostupanja po zaprimljenim zahtjevima podnosioca. Na navedeni dopis, dana 13.10.2025. godine dostavljeno je Izjašnjenje od strane Ikan d.o.o. Zavidovići u kojem su još jednom navedene dosadašnje aktivnosti u cilju pribavljanja tražene saglasnosti. Također, dana 13.10.2025. godine, od strane Udruženja sportskih ribolovaca „Krivaja“ Zavidovići dostavljen je odgovor broj: 15/2025 od 07.10.2025., u kojem je navedeno da se podnosilac treba lično obratiti Udruženju i prihvatiti uslove u cilju pribavljanja tražene saglasnosti.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da je isti imao nedostatke koji su sprječavali postupanje organa, odnosno nisu ispunjeni uslovi iz Rješenja o prethodnoj vodnoj saglasnosti broj: UP-1/21-1-40-189-4/25 od 19.05.2025. godine donesenog od strane ove Agencije, kao ni rokovi propisani Ugovorom o vađenju materijala iz rijeke Krivaje na predmetnom lokalitetu, broj: 30-148-34/25 od 08.07.2025. godine, potpisanim od strane ove Agencije. Rok za završetak vađenja materijala koji je predmet ugovora bio je 3 mjeseca od uvođenja u posao, a najkasnije do 31.12.2025. godine i isti nije produžen.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena vodna saglasnost, te je riješeno kao u dispozitivu ovog Rješenja.

Pouka o pravnom lijeku

Protiv ovog Rješenja može se izjaviti žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovoj Agenciji i taksira se sa 15,00 KM takse, prema tarifnom broju 3. Tarife federalnih administrativnih taksi.

Obradivač akta: Munir Trako, dipl.inž.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Prilog: Elaborat – Vađenje materijala iz vodotoka Krivaje na lokalitetu ušća rijeke Krivaje u Bosnu, Grad Zavidovići – LOT 1, urađen od strane „IBIS“ d.o.o. Zavidovići, august 2025. godine, broj: 08-IB-EL/25 (dva primjerka).

Dostavljeno:

- „IKAN“ d.o.o. Zavidovići, Ul. Mečevići bb, 72 220 Zavidovići (Prilog)
- 📧 AVP Sava, ISV - Vodna knjiga
- Sektor 40 - arhiva
- Oglasna ploča AVP Sava